

憨山大師年譜疏

一

憨山大師年譜疏

施省之居士助二百圓

陳飛青居士印三千部

回向曰偈

願以此功德

消除宿現業

增長諸福慧

圓成勝善根

所有刀兵劫

及與饑饉等

悉皆盡滅除

人各習禮讓

一切出資者

展轉流通者

現眷咸安樂

先亡獲超昇

風雨常調順

人民悉康寧

法界諸含識

同證無上道

民國二十三年三月初版印一萬部

憨山大師年譜疏 一冊

流通處

蘇州護龍街南段
弘化社

穿心街報國寺內

上海膠州路十一弄二十號
佛學書局

電話三五五二四號

印刷處

上海南成都路新大沽路口
國光印書局

電話三三七四三號

藏版處

國光印書局

慈山大師像讚

震中遊化夢中嬉
寫出慈雲寄道思
王難當前權避世
婆心啟後勉留詞
淵源西竺千鈞繫
寥寥落南華一柱支
手擘禪花勞想像
燈燈同焰有餘師
佛曆二千九百六十一年仲春既望大悲並書

曹溪 中興 肉身 嗣祖 憨山 大師 法影



憨山大師年譜疏 法像

崇禎御讚憨山老和尚法像

者老和尚。何等行狀。撐持法門。已作棟梁。受天子之鉗錘。爲佛祖之標榜。

御書第十七代朱由檢題讚

用暇奉供大內九蓮菩薩院中。

康僧會尊者像讚并序寄憨山大師

釋真可紫柏

三國爲英雄之聚。亦刀兵之聚。慈悲般若。無有入處。而康祖一錫浮江。三稱如來。兩目流血。舍利投瓶。光燦六合。澤縣千古。是時也。吳之君臣。莫不爲之動心變色。卽事微理。知有佛而不疑。六度既譯。安般門開。無擇黑白。得法眼淨。與夫禪思入微者。不可計算。皆我祖爲之嚆矢也。茲憨山清大師。因弘法戍瘴海。善以慈心三昧。普使朽骨生春。聖華居士。聞風感慕。特寫祖影。寄上曹溪。以爲大師影響。嗚呼。曹溪肉佛。所現自唐及宋。飲曹溪而得道者。代不乏人。邇來曹溪涸矣。瑤林蕭然。又藉憨師以謫戍爲波瀾。而曹溪復活。康祖分身。觸骸眼開。恆沙難喻。豈可以有思惟心測其功德淺深者哉。達觀道人。不解逆風把柁。但解順水推舟。爲之讚曰。

康祖來吳。清公謫粵。鬻髻大師。金剛眼突。瘴海之慘。骨刺魂驚。大師得成。彌感聖明。曹溪蠱毒。飲者皆喪。大師飲之。銷盡諸瘴。指撮舍利。康祖之貪。貪不爲我。此心何慙。弘法得罪。命如絲單。千里瘴嶺。芒鞋蹋徧。雷道峇崑。颶風正高。鉢瓶孤逝。舌相昭昭。南粵魍魎。白日鼓掌。我若無心。菩薩影響。有心應之。康祖愚癡。章甫適越。其誰不疑。石頭之別。肝膈冰冷。丁生吹火。寫康祖影。緣影得心。心亡性冥。大用無常。鐘以眼聽。根塵主客。收放夢醒。掌擎寶塔。牢山之頂。達大師。借康祖像讚慈祖。義愈真。像題蹟在五乳峯法雲寺。

慈祖臨化自題曹溪影堂法像

威威堂堂。澄澄湛湛。不設城府。全無崖岸。氣蓋乾坤。目撐雲漢。流落今專門。頭不出威音那畔。無論爲俗爲僧。肩頭不離扁擔。若非佛祖奴郎。定是覺場小販。不入大冶紅鑪。誰知他是鐵漢。只待彌勒下生。方了者重公案。真蹟在曹溪慈山寺。

慈翁法祖真容讚

釋智旭心編法孫

偉貌豐神。堅勇大勢。空定凝神。光明初霽。憂在法門。禍福寧計。掣電奔雷。德山臨濟。

密用潛行。園中海際。知之者。謂是隻手擎天。不知者。謂是英雄蓋世。誰思其必處於非宗非教。卽教卽宗之間。終不與時流同逝。

旭法師。號素華。微成譜疏時。怡聽說楞嚴玄義於康居方丈。

憨山本師法像讚

飯依弟子 福微 譚貞默 掃庵

維我憨山肉祖本師大和尚。在燕則爲慈壽宗師。在粵則爲曹溪嗣祖。肉身鼎峙。貝葉燈輝。近代出頭禪和。那堪彷彿萬一。然日月雙趺。光明莫大。而風塵隻眼。晦蝕難開。自非履歷昭垂。誰識乾坤函蓋。海虞宗伯銘五乳。未免傳聞異辭。紫竹門徒傳中興。尙欠追隨親炙。梅檀被體。離塔何銘。年譜成書。爽符本傳。海庭險阻。遐道人不脛郵飛。庾嶺神通。埽弟子拈香鑄布。伏讀永明智覺禪師宗鏡錄云。悟心成祖。先聖相傳。故達磨初祖云。明佛心宗。了無差悞。行解相應。名之曰祖。又偈云。亦不覩惡而生嫌。亦不觀善而勤措。亦不捨愚而近賢。亦不拋迷而就悟。達大道兮過量。通佛心兮出度。不與凡聖同躔。超然名之曰祖。徵得此語。正與本師寶林號祖之義。後先相印。兼與達師曹溪肉祖之讚。彼此合符。因擬稱曹溪中興肉身嗣祖憨山宗師大和尚。

敬作法影讚曰。

現佛現祖。嫡宗嫡教。傳曹溪衣。寫楞伽照。龍門海印。清涼跋妙。歷劫肉身。一方雙到。清順治八年。歲次辛卯。三月三日。而年譜疏成。福徵謹識。

題愍山大師六詠手卷

民國十一年壬戌。李國松。以大師六詠手卷請題。因書此。乃列入文鈔。今特附於此。以表景仰之忱。釋印光和南識。

愍山大師。大權示現。宏法功深。忌者誣陷。謫戍廣州。以禦禍亂。幸有大吏。另眼相看。宏法曹溪。慧命續斷。相機說法。巨弊消散。護國安民。功高文憲。沒後肉身。不壞不變。粵贛相爭。歸曹溪畔。六祖七祖。彰諸時諺。增輝佛日。爲法城塹。著述宏博。日月光燦。大藏流通。惜祇少半。遺佚者多。時或出現。六詠妙偈。筆法適健。文義超妙。愈讀愈煥。三百餘年。幸無殘欠。佛子契真。得諸滬店。欲表鴻猷。特作手卷。祈光題辭。以彰法範。遂爲略述大綱。以期後哲聞見。

憨山大師年譜疏排印流通序

民國二十三年歲次甲戌正月吉日付排。

孟子曰。窮則獨善其身。達則兼善天下。此約世間法論也。若約佛法論。達固可以兼善。窮亦可以兼善。嚴持戒律。敦篤倫常。以身率物。俾一切人相觀而善。待其欣欣向往之心。發則示之以三世因果。六道輪迴之理事。心本是佛。念佛往生。方可親證之。因緣。凡有心者。誰不樂從。故古高僧。隨所到處。每多歸依。校之王政教化。其益爲深。當明季時。王綱不振。大臣無權。其掌大權者。皆是無知無識之太監。奸惡者。倚權以作弊。愿謹者。無智以設法。故致民困國危。無可救藥。憨山。紫柏。蓮池。妙峯。同于此時。出興于世。其陰翼治道。冥庀民生也。大矣。憨山以弘法遭誣。謫戍廣州。其救粵人而延社稷也。深且遠矣。使憨山不戍廣州。廣州之民。早已挺而走險。爲國家憂。其撤探船。定民變。和欽州等大事。均以一席話而了之。非乘願示生。救民于水火者。其孰能之。葉玉甫等諸居士。于青島立一湛山寺。其地乃憨山弘法被誣之所。念憨山之盛德。特爲排印年譜疏。俾後之閱者。有所興起云。常慙愧僧釋印光謹撰。

憨山老人年譜自敘實錄疏 卷上

東海那羅延窟侍者福善記錄

吳越開元府治弟子福徵述疏

明世宗肅皇帝嘉靖二十五年丙午●予金陵全椒縣人也。姓蔡氏。父諱彥高。母洪氏。生平愛奉觀音大士。初夢大士攜童子入門。母接而抱之。遂有娠。及誕。白衣重胞。是年十月己亥。十二日丙申。己丑時生也。父一見。母一見。

門人顓愚觀衡。作曹溪中興憨大師傳云。師諱德清。字澄印。別號憨山。母解懷。白衣重包而出。去衣洗濯。湯水異香。出家報恩寺。後一日在舍利塔前。遇一梵僧。僧曰。此小師。後日大轉法輪。口如仰月。卽佛口也。又在本寺廊下。遇一人曰。堯眉。八彩。公眉五彩。有三教之任。後在五臺山。過大塔院寺。時爲頭陀。遇一僧甚偉。手拉師曰。師是大人再來。滿頭髮皆紺色。後必大作佛事。○徵按年譜。萬曆四十二年甲寅十一月。有門人悟心顓愚來省。憨山夢遊集中。有示顓愚衡禪人法語。略云。

顓愚初依五臺空印大師聽習經論。久之。遂盡屏去。單提一念。切究本分事。萬里南詢。過曹溪。謁老人。請益。老人示以轉身一路。唯唯作禮而別。乃就居南嶽。未幾。老人亦至。禪人以病往寶慶就醫。老人歎禪門真實爲生死的學人。最難得。丙辰三月朔。風雨夜半。忽禪人冒雨衝泥而至。老人見其疾瘳。大喜。因再拈香請益。老人特示禪人身病已瘳。切不可被禪病侵。古人云。捨情易。捨法難。禪人捨身卽捨情。捨見卽捨法。情法兩忘。豈不爲大無礙解脫之人。此示幾千字。集中許可不多。屈指宜有中興傳之作。所嫌傳中訛外。曩牘易誤。後學蓋謁請兩次。只在一時。追隨日淺。後來未見自著年譜。故所聞異辭。關係匪小。茲以年譜爲主。參補傳中一二。別聞喫緊逸事。逸語。如盤山隱者顛末。裨益良深。其他支蔓無稽者。悉刪之。大抵禪弊在趨宗避教。不曉憨祖與六祖同爲宗教總持。同現曹溪肉身。同無單傳衣鉢。嗣法孫素華智旭。有初緣發心。夢中攝受之因。當世宗教合一人也。作十八祖紀讚。以憨祖終。十八祖者。並不傳衣鉢祖也。憨祖一傳。節略顓傳。正與年譜吻。

合當爲私淑功臣。○肉身佛祖出世榜樣。早在母胎。歷劫勝因。非同小可。

二十六年丁未。予周歲。風疾作。幾死。母禱大士。遂許捨出家。寄名於邑之長壽寺。因易乳名曰和尚。母二見

徵誦乳名大美。後果圓成。須知法諱德清。出自西林師翁。乃出家時所命。譜不載也。父命未易時名。亦不載。

二十七年戊申。予三歲。常獨坐。不喜與兒戲。祖父常謂曰。此兒如木椿。祖一見

徵觀究竟成就本椿。厥祖可謂具眼。

二十八年己酉。二十九年庚戌。三十年辛亥。三十一年壬子。予七歲。叔父鍾愛之。母始送予入社學。一日叔父死。停於牀。予歸。母詰之曰。汝叔睡。可呼起。乃呼數聲。媼母感痛。乃哭曰。天耶。那裏去也。予愕然疑之。問母曰。叔身在此。又往何處耶。母曰。汝叔死矣。予曰。死向甚麼處去。遂切疑之。未幾。次媼母舉一子。母往視。予隨之。見嬰兒如許大。乃問母曰。此兒從何得入媼母腹中耶。母拍一掌云。癡子。你從何入。

你娘腹中耶。又切疑之。由是死去生來之疑。不能解於懷。

母三見。叔父。婦母及弟各一見。

徵按此七歲兒。何從得此滴骨滴髓死生關頭。娘兒兩箇。當面質對如許大疑團。極奇一則現身摩耶簇新鉗錘烹佛煉祖頂首大公案。

三十二年癸丑。予八歲。讀書寄食於隔河之親家。母誠不許回。但經月歸一次。一日回。戀母不肯去。母怒。鞭之。趕於河邊。不肯登舟。母怒。提頂髻拋於河中。不顧而回。于時祖母見之。急呼救起。送至家。母曰。此不才兒。不淹殺。留之何爲。又打逐。略無留念。予是時私謂母心很。自是不思家。母常隔河流淚。祖母罵之。母曰。固當絕其愛。乃能讀書耳。祖母一見。母四見。

徵讀至此。一字一句。涕泗滂沱。有讀之而不涕泗者。非人類也。合十讚歎曰。慈哉。悲哉。善哉。信哉。如是。那得不婆拋子。那得不刮肉還母哉。

三十三年甲寅。予九歲。讀書於寺中。聞僧念觀音經。能救世間苦心大喜。因問僧求其本。潛讀之。卽能誦。母奉觀音大士。每燒香禮拜。予必隨之一日。謂母曰。觀音菩

薩有經一卷。母曰：不知也。予卽爲母誦一遍。母大喜曰：汝從何得此耶。誦經聲亦似老和尚。母五見

錢牧齋謙益作大明愍山大師廬山五乳峯塔銘。有云：師九歲能誦普門品。卽譜稱觀音經也。天啓丁卯南海陳迪祥與五乳弟子福善以行狀囑牧齋作塔銘。其間興復曹溪事似略聞之。宣化蕭玄圃雲舉而東遊未詳始末。與年譜迥異。今肉身。在曹溪五乳塔銘失傳信矣。採補僅可什一。○徵讀此乃曉取科名作宰官。正不煩眞實讀書。正知見作佛祖。未有不自眞實讀書始者。卽此觀音經一卷。早歲能背誦。全由讀書作緣。卽此爲母誦一遍。便能報母打逐之恩。

三十四年乙卯。予十歲。母督課甚嚴苦之。因問母曰：讀書何爲。母曰：做官。予曰：做何等官。母曰：從小做起。有能可至宰相。予曰：做了宰相。卻何如。母曰：罷。予曰：可惜一生辛苦。到頭罷了。做他何用。我想只該做箇不罷的。母曰：似你不才子。只可做挂搭僧耳。予曰：何爲挂搭僧。有甚好處。母曰：僧是佛弟子。行徧天下。自由自在。隨處有供。

予曰。做這箇恰好。母曰。只恐汝無此福耳。予曰。何以要福。母曰。世上做狀元常有。出家做佛祖豈常有耶。予曰。我有此福。恐母不能捨耳。母曰。汝有此福。我卽能捨。私識之。母六見。

徵太息咄咄。母子團圓。作無生話。開示恁地。明指引恁地。關機鋒。恁地緊承。當恁地捷。十歲金陵母捨子肉身。七十八歲曹溪子肉身報母的。的大因緣。大奇特。

三十五年丙辰。予十一歲。偶見行腳僧數人。肩擔瓢笠而來。予問母。此甚麼人耶。母曰。挂搭僧也。予私喜。視之。僧至。放擔倚樹。乃問訊化齋。母曰。請坐。急烹茶具齋飯。甚恭敬。食罷。衆僧起。卽荷擔。隻手一舉。母急避之。曰。勿謝。僧徑去。予曰。僧何無禮。飯齋不謝。母曰。謝則無福矣。予私曰。是僧之所以高也。切念之。遂發出家之志。苦無方便路耳。母七見。

徵看鷄地飯僧了無蹤迹。許大公案。趙州勘臺山婆子。不是過也。人知飯僧功德。爲世福。是母是子。乃證兩足尊之福。○以上了在家公案。

三十六年丁巳。予十二歲。居常不樂俗。父爲定親。立止之。一日。聞京僧言。報恩寺西林大和尚。有大德。予心卽欲往從之。白父。父不聽。白母。母曰。養子從其志。第聽其成就耳。乃送之。是歲十月至寺。太師翁一見喜曰。此兒骨氣不凡。若爲一俗僧。則可惜耳。時無極大師。初開講於寺之三藏殿。祖翁攜往詣之。適趙大洲在一。見喜曰。此兒當爲人天師也。乃撫之。問曰。汝愛做官。要作佛。予卽應聲曰。作佛。趙公曰。此兒不可輕視。當善教之。及聽講。雖不知言何事。然心憤憤。若有知而不能達者。父二見。母八見。西林

和尚。無極大師。趙大洲。各一見。大洲。名貞吉。字孟靜。內江人。歷官禮部尙書。武英大學士。諡文肅。

徵念慈祖。常曰。若無此母。不得出家。不得到底。童身成佛。作祖矣。眞佛母哉。又按金陵梵刹志云。嘉靖年間。報恩寺住持僧永寧。號西林。蓄一馬。每自寺赴禮部。輒騎之上馬。必默誦金剛法華二經。至部門。下馬。經畢。後寺鄰一婦方產。而馬是夜死。婦夢馬入室。遂生男。極蠢。惟能口誦二經。因入西林爲僧。諸經不能上口。亦究不識一字。故譜云。師翁生平持金剛經。臨終不輟。